



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

SS. Basilides & Socii MM. 10. Iunii.

urn:nbn:de:hbz:466:1-44055

pit; quemadmodum neque dies in pietatis operibus ei suffecit. singulis noctibus Matutinum, quem vocant, cursum de SS. Triade, tum de Cruce, denique de Virgine Deiparâ absolvit. Annexit his votivas pro mortuis preces, & Davidis Odaria: quid post hoc pensum somno relictum est? quem tamen ne tum quidem admisit, priusquam sex pauperum pedes abluisset. Diem sic auspicata est. Novem infantulos, quos à suis neglectos matribus educabat pro suis, nutricularum occupato officio, pascebat cibos ori ingerens, & quidem genibus nixa, ut reverentius haberi non possent, si vel cælo lapsi fuissent. Trecentis aliis, sed adultioribus, partito cum rege ministerio, cibum inferebat. Tum repetitæ preces utique penetraturæ cælum, cum tot pauperum appreciationibus sublevarentur. Iidem publicè prodeuntem stipabant catervatim, vile satellitium, sed ad Superos profecturæ percommodum. In cuius itineris procinctu cum semper steteret, edocta tandem divinitus est, quando migrandum esset. Mortua toto vulgus erubuit. Sensisse plausus diceres, quibus tam rara virtus in cælo accepta est. *Ex Surio.*

Septem horarum Canoniarum officia, quasi septem baptismatum lavacra in Ecclesia sunt gremio conjuncta; ut septem offensionum maculas, quas ex quotidiana vita hujus conversatione contrahimus, totidem orationibus quotidiana fluentis expiare conemur. S.P. Dam. op. 10.

SS. BASILIDES & SOCII MM.

10. Iunii.

Offenduntur delicati, cum viam iis regionem, quæ ad cælum ducit, stratam crucibus ostendimus; cum per vepreta, quæ Christus calcavit, per-

per cruenta martyrum sanguine vestigia ducimus
 infuetos laborum; monstrabimus ergo nauſea-
 bundis compendium, quo BASILIDES, TRIPVS &
 MANDALES extra ordinem ad cælum sunt per-
 ducti. BASILIDES operam suam Platoni viro pri-
 mario, sed impiæ superstitioni dedito locabat,
 studiosè argumenta omnia celans, ex quibus
 agnosci Christianus posset. Non placebat Chri-
 sto, quòd tam doctè uteretur foro, & tempori pe-
 ritius quàm conscientiæ velificaretur, adversus
 præceptum suum duobus dominis emancipatus.
 BASILIDES nihil moratus Platonem deserit, &
 cum sociis rectà ad littus profectus, in navem inci-
 dit, quàm instructiorem nulla unquam aqua rulit.
 Christus ad clavum sedebat, Angeli remigum of-
 ficiis occupabant, nimis profectò familiariter
 officiosi. Quid metuerent felicissimi vectores?
 Syrtésne? an ventos? an fluctus? equidem credam
 optasse omnia pontum esse, & deesse littora pon-
 to; nam certè in portu denique trepidare cœpe-
 runt, adversà de Aureliani sævitie famâ perculsi.
 Ausi ergo rogare Christum sunt, liceret sibi siccâ
 morte, & incruentâ defungi. Datum id quoque,
 placidâ compositos quiete Angelorū manus cælo
 intulerunt. Nihil audies suavius: & tamen fron-
 tem contraxisti, cum his quoque negatum audires
 duobus dominis servire. *Ex Mombrit. & P. de Natal.*

*Esto humilis & pacificus & erit tecum Iesus: si
 devotus & quietus, & manebit tecum Iesus. Potes citò
 fugare Iesum & gratiam ejus perdere, si volueris ad ex-
 teriora declinare: & si illum effugeris & perdideris,
 ad quem fugies, & quem tunc quæres amicum? Thom.
 de Kemp. l. 2. c. 8.*